



Broj: 02-05-18112-25/17
Sarajevo, 11.05.2017. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14- Novi Prečišćeni tekst i 37/14 - Ispravka), i člana 23. Zakona o koncesijama ("Službene novine Kantona Sarajevo", broj: 27/11 i 15/13), Vlada Kantona Sarajevo na **82.** sjednici održanoj dana **11.05.2017.** godine, donijela je slijedeći

ZAKLJUČAK

1. Utvrđuje se Prijedlog odluke o davanju saglasnosti za prenošenje prava i obaveza iz Ugovora o koncesiji, broj: 02-05-23581/15 od 27.08.2015. godine, za eksploataciju mineralne sirovine krečnjaka i krečnjačkih dolomita u ležištu "Puhovik", Općina Ilidža, sa privrednog društva "NEXE" d.o.o. Sarajevo na privredno društvo "AMINA TRADE" d.o.o. Sarajevo.
2. Predlaže se Skupštini Kantona Sarajevo da, u skladu sa Poslovnikom Skupštine, donese odluku iz tačke 1. ovog Zaključka.

PREMIJER

Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo privrede
5. "NEXE" d.o.o. Sarajevo (putem Ministarstva privrede)
6. "AMINA TRADE" d.o.o. Sarajevo (putem Ministarstva privrede)
7. Evidencija
8. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. tačka b) i člana 13. tačka i) Ustava Kantona Sarajevo ("Službene novine Kantona Sarajevo", br. 1/96, 2/96 – Ispravka, 3/96 – Ispravka, 16/97, 14/00,4/01, 28/04 i 6./13) i člana 23. stav 1. Zakona o koncesijama ("Službene novine Kantona Sarajevo", br. 27/11 i 15/13), Skupština Kantona Sarajevo na ____ sjednici održanoj _____2017. godine, donijela je

P r i j e d l o g

O D L U K U

o davanju saglasnosti za prenošenje prava i obaveza iz Ugovora o koncesiji broj: 02-05-23581/15 od 27.08.2015. godine, za eksploataciju mineralne sirovine krečnjaka i krečnjačkih dolomita u ležištu "Puhovik", Općina Ilidža, sa privrednog društva "NEXE" d.o.o. Sarajevo na privredno društvo "AMINA TRADE" d.o.o. Sarajevo

I

Daje se saglasnost za prenošenje prava i obaveza iz Ugovora o koncesiji broj: 02-05-23581/15 od 27.08.2015. godine, za eksploataciju mineralne sirovine krečnjaka i krečnjačkih dolomita u ležištu "Puhovik", Općina Ilidža, sa privrednog društva "NEXE" d.o.o. Sarajevo na privredno društvo "AMINA TRADE" d.o.o. Sarajevo.

II

Obavezuje se privredno društvo "AMINA TRADE" d.o.o. Sarajevo da, po dobijanju saglasnosti za prenošenje Ugovora o koncesiji, a prije potpisivanja Ugovora, izmiri sve obaveze prethodnog koncesionara po osnovu koncesione naknade, u skladu sa Ugovorom o regulisanju prenosa prava i obaveza iz Ugovora o koncesiji potpisanog 24.04.2017. godine.

III

Zadužuje se Mnistarstvo privrede da izvrši usklađivanje Ugovora o koncesiji sa novim koncesionarem, radi upisa nastalih promjena u sudski registar.

IV

Ova odluka stupa na snagu danom donošenja i objavit će se u "Službenim novinama Kantona Sarajevo".

**PREDSJEDATELJICA
SKUPŠTINE KANTONA SARAJEVO**

Prof. Ana Babić

Broj: 01-05-_____/17

Sarajevo, ____/17

O B R A Z L O Ź E N J E

PRAVNI OSNOV

Pravni osnov za donošenje ove Odluke sadržan je u članu 18 tačka b) i članu 13. tačka i) Ustava Kantona Sarajevo ("Službene novine Kantona Sarajevo", br. 1/96, 2/96 – Ispravka, 3/96 – Ispravka, 14/00, 4/01, 28/04 i 6/13) i članu 23. stav 1. Zakona o koncesijama ("Službene novine Kantona Sarajevo", br. 27/11 i 15/13).

RAZLOZI ZA DONOŠENJE

Kanton Sarajevo, kao koncesor, i privredno društvo "NEXE" d.o.o. , kao koncesionar, zaključili su Ugovor o koncesiji, broj: 02-05-23581/15 od 27.08.2015. godine. Predmet koncesije je eksploatacija mineralne sirovine krečnjaka i krečnjačkih dolomita u ležištu "Puhovik", Općina Ilidža.

Koncesionar, privredno društvo "Nexe" d.o.o. Sarajevo, dopisom broj: 02-18-31710/16 od 31.01.2016. godine, podnio je zahtjev za raskid Ugovora o koncesiji iz razloga nemogućnosti ekonomski isplative proizvodnje, previsoko utvrđene jednokratne naknade i previsoko utvrđene naknade za promjenu namjene šumskog zemljišta.

Aktom broj: 07-08-34442/16 od 05.12.2016. godine, privredno društvo "AMINA TRADE" d.o.o. Sarajevo, iskazalo je interes za preuzimanje ove koncesije. Uz akt je dostavilo dokumentaciju kojom dokazuje pravni identitet, pozitivno poslovanje, dokaz da bankovni račun nije blokiran.

Ministarstvo privrede je zatražilo dodatnu dokumentaciju koja se odnosi na dokaz o izmirenim poreznim obavezama, uvjerenje o poreznoj registraciji i registraciji u jedinstveni registar obveznika indirektnih poreza, te obavještenje Federalnog zavoda za statistiku o razvrstavanju pravnog lica prema klasifikaciji djelatnosti. Privredno društvo je dostavilo dodatnu dokumentaciju iz koje se može zaključiti da privredno društvo redovno izmiruje poreze, da je obveznik indirektnih poreza, kao i da je razvrstan prema klasifikaciji djelatnosti.

U cilju osiguranja plaćanja neizmirenih obaveza prethodnog koncesionara, Ministarstvo privrede je pripremilo Ugovor o regulisanju prenosa prava i obaveza iz predmetnog Ugovora o koncesiji, na koji je Pravobranilaštvo Kantona Sarajevo dalo pozitivno mišljenje. Ugovor su potpisale obje ugovorne strane i na taj način prihvatile sve odrednice Ugovora.

Članom 23. Zakona o koncesijama ("Službene novine Kantona Sarajevo", br. 27/11 i 15/13), propisano je da se Ugovor o koncesiji ne može prenijeti na drugog koncesionara bez saglasnosti Skupštine Kantona Sarajevo. U stavu 4. propisano je da novi koncesionar preuzima prava i obaveze prethodnog koncesionara.

U tom smislu, privredno društvo koje ime namjeru da preuzme koncesiona prava i obaveze, a radi osiguranja, je pismeno izjavilo da prihvata navedenu odrednicu, kao i da dostavi prihvatljivu bankovnu garanciju za dobro izvršenje Ugovora, te potpisalo naprijed navedeni Ugovor o regulisanju prenosa prava i obaveza iz Ugovora o koncesiji.

Obaveze prethodnog koncesionara, na dan 30.04.2017. godine iznose 240.121,69 KM, i to po osnovu jednokratne koncesione naknade iznos od 168.960,69 KM sa pripadajućim kamatama u iznosu od 32.329,22 KM i obaveze po osnovu tekuće koncesione naknade u iznosu od 36.887,67 KM sa pripadajućom kamatom u iznosu od 1.944,79 KM.

Shodno naprijed navedenom, a cijeneći interese Kantona Sarajevo, predlažemo Skupštini Kantona Sarajevo da donese predloženu odluku.

Broj 133/2016
Sarajevo 31.10.2016. godine

- 1 - 11 - 2016
02 | 18 | 31710

Predmet: Raskid ugovora o koncesiji o pravu na eksploataciju mineralne sirovine krečnjaka i krečnjačkih dolomita u ležištu „Puhovik“ općina Ilidža zaključenog dana 27.08.2015. godine između Vlade Kantona Sarajevo kao Koncesora i NEXE d.o.o. Sarajevo kao Koncesionara

KANTON SARAJEVO
VLADA KANTONA SARAJEVO
SARAJEVO

Poštovani!

Ovim aktom želimo vas obavjestiti da smo prinuđeni raskinuti ugovor o koncesiji o pravu na eksploataciju mineralne sirovine krečnjaka i krečnjačkih dolomita u ležištu „Puhovik“ općina Ilidža zaključen dana 27.08.2015. godine između Vlade Kantona Sarajevo kao Koncesora i NEXE d.o.o. Sarajevo kao Koncesionara, (broj Vlade Kantona Sarajevo 23581/15).

Pravni osnov za raskid ugovora zasniva se na odredbama Zakona o obligacionim odnosima, odredbama Zakona o koncesijama u Kantonu Sarajevo – član 25 i član 26 (Službene novine Kantona Sarajevo broj 27/2011) i odredbama zaključenog ugovora o koncesiji, član 19, član 20 i član 22.

Razlog: Nemogućnost ekonomski isplative proizvodnje.

- Prije svega početak primjene ugovora o koncesiji kasni više od godinu dana iz razloga koji nisu na našoj strani (problemi u pribavljanju urbanističke saglasnosti i problemi oko promjene namjene šumskog zemljišta vezani za primjenu Zakona o šumama Kantona Sarajevo).
- Previsoko utvrđena jednokratna naknada koja ne dopušta nikakvu mogućnost isplative proizvodnje. Ovome treba dodati da je zasnovana na proizvodnji od 10 godina, a evidentno je da je proteklo više od godinu dana od dana zaključenja ugovora, a njegova primjena nije ni započeta, čime se zaista ne može ispuniti svrha ugovora.
- Previsoko, naknadno utvrđena naknada za promjenu namjene šumskog zemljišta, što takođe utiče na stepen isplativosti eksploatacije (Rješenje Ministarstva privrede KS broj 07-06-26-11002/15 od 20.05.2016. godine)
- Tehnička nemogućnost pokretanja proizvodnje i postavljanja opreme na odgovarajućem mjestu zbog ometanja pristupnog puta i negodovanja građana.

Prijedlog: Predlaže se da se ugovor o koncesiji o pravu na eksploataciju mineralne sirovine krečnjaka i krečnjačkih dolomita u ležištu „Puhovik“ općina Ilidža zaključenog dana 27.08.2015. godine između Vlade Kantona Sarajevo kao Koncesora i NEXE d.o.o. Sarajevo kao Koncesionara prestane odmah, jer nema nikakve svrhe dalje ga održavati na snazi. Takođe cijenimo da nema potrebe za održanjem otkaznog roka od

90 dana. U slučaju vašeg zahtjeva za otkaznim rokom, predlažemo da on traje što kraće, a ne duže od 90 dana od dana prijema ove obavjesti.

Predlažemo da odmah po prijemu ovog akta pristupimo regulisanju međusobnih prava i obaveza povodom raskidanja ugovora.

Sve obaveze ćemo pravovremeno izmiriti

NAPOMENA:

Kamenolom nije funkciji, nije aktivan, u njemu nema eksploatacije. Takođe napominjemo da smo našim aktom broj 15/2016 od 1.02.2016. godine predložili privremeni prekid ugovora o koncesiji uglavnom iz istih razloga.

Nadamo se da ćete nas razumjeti.

S poštovanjem!

Kontakt osoba: Tinjak Mustafa, tel 063 895-214

Prilog:

- Naši akti broj 17/2016, 14/2016, 15/2016 i 16/2016 od 1.02.2016. godine.



DIREKTOR

Tinjak Mustafa



“AMINA-TRADE” d.o.o.
PDV broj:201572830004
ID broj:4201572830004
Rakovička cesta bb
71210 Ilidža, Sarajevo
Tel.033/404-086 062/986-803

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: - 5 - 12 - 2016			
Organizaciona jedinica	Klasifikacione oznake	Redni broj	Broj priloga
07	18	34442	

Broj protokola: 245/2016

Sarajevo: 05.12.2016.

Ministarstvo privrede Kantona Sarajevo
Reisa Džemaludina Čauševića br.1
71000 Sarajevo
n/r g-din. Muharem Šabić

D O P I S : Iskazivanje interesovanja za preuzimanje koncesije

Poštovani,

iskazujemo interesovanje za koncesiju na K.Č. 1603 i dijelu zemljišne parcele označene kao K.Č. 1610 K.O. Rakovica, Općina Ilidža, što odgovara u gruntovnici dijelu zemljišta označenom kao K.Č. 719/9 K.O. SP_Rakovica, Općina Ilidža.

Smatramo da firma „Amina Trade“ ispunjava sve uvjete za koncesiju na navedenom K.Č-u, te vam shodno tome i dostavljamo ovaj dopis.

U prilogu ovog dopisa dostavljamo Vam:

- Aktuelno Rješenje o izmjenama podataka od 30.09.2016 godine, broj: 065-0-Reg-16-002390;
- Godišnji finansijski izvještaj za 2015. godinu;
- Polugodišnji finansijski izvještaj za 2016. godinu;
- Potvrda o aktivnosti računa;
- Ugovor o koncesiji za PK“Paska Luka“ Olovo sa Ministarstvom za privredu Zeničko-dobojskog kantona broj: 04-18-20939-1/12 od 16.11.2012. godine;
- Rješenje Ministarstva za privredu Zeničko – dobojskog kantona kojim se odobrava eksploatacija mineralnih sirovina investitoru „Amina Trade“, broj : 04-18-3026-2/13 od 03.02.2014 godine ;
- Rješenje o urbanističkoj saglasnosti broj : 12-23-08200/13 OD 04.11.2013 ;
- Rješenje Federalnog ministarstva okoliša i turizma , br: UP-I 05/2-23-11-29/13 SS od 03.07.2013, čime se daje okolinska dozvola;

-Rješenje o vodnoj saglasnosti br: UP-I /25-2-40-343-2/13 od 05.06.2013, što je izdala „Agencija za vodno područje rijeke Save“.

Stojimo Vam na raspolaganju za dostavu bilo kakave druge dokumentacije ukoliko se pojavi potreba za istom.

S poštovanjem,

Direktor „Amina Trade“ d.o.o.
Albina Kriještorac





"AMINA-TRADE" d.o.o.
PDV broj:201572830004
ID broj:4201572830004
Rakovička cesta bb
71210 Ilidža, Sarajevo
Tel.033/404-086 062/986-803

Broj protokola: 29-1/2016
Sarajevo: 25.01.2017.
Veza br. 07-04-18-34442/16

25-01-2017

07		Reza broj	Broj protokola
----	--	-----------	----------------

Ministarstvo privrede Kantona Sarajevo
Reisa Džemaludina Čauševića br.1
71000 Sarajevo
n/r g-din. Muharem Šabić

Predmet: Dopuna zahtjeva za preuzimanje koncesije

Poštovani,

s obzirom da smo iskazali interesovanje za koncesiju na K.Č. 1603 i dijelu zemljišne parcele označene kao K.Č. 1610 K.O. Rakovica, Općina Ilidža, što odgovara zemljištu označenom kao K.Č. 719/9 K.O. SP_Rakovica, Općina Ilidža.

Ovim putem vršimo dopunu zahtjeva za preuzimanje koncesije, te Vam shodno tome dostavljamo.

1. Naziv pravnog subjekta od kojeg namjeravamo preuzeti koncesiju je „Nexe“ d.o.o. Sarajevo
2. Potvrdu da su izmirene sve obaveze po osnovu poreza, PDV-a, kao i da su izmirene obaveze po osnovu plata zaposlenika i naknada za platu, izdata od strane: Porezne uprave Federacije BiH; Kantonalni porezni ured Sarajevo, Porezna ispostava Ilidža; br. 13-9/5-15-4-118/17DH
3. Obavještenje Federalnog zavoda za statistiku Sarajevo o razvrstavanju pravnog lica prema klasifikaciji djelatnosti br.07-32.5-13521/15 od 22.06.2015 godine.

-Uvjerenje o poreznoj registraciji sa identifikacijskim brojem : 4201572830004

-Uvjerenje o registraciji u jedinstveni registar obaveznika indirektnih poreza br: 04/1-UPJR/1-3487-2/10 od 30.07.2010 godine.

-Aktuelni izvod iz sudskog registra br. 065-0-RegZ-14-003237 od 14.05.2014 godine.

A kako društvo „Amina Trade“ d.o.o. posjeduje i podružnicu u Olovu , te sva odobrenja za površinski kop „ Paska Luka „ , što smo Vam u sklopu prošlog dopisa i dostavili , ovaj put Vam dostavljamo i jedan dio dokumentacije koji je vezan za tu podružnicu:

- Aktuelno Rješenje o izmjenama podataka od 30.09.2016 godine, broj: 065-0-Reg-16-002390;

- Uvjerenje o poreznoj registraciji sa identifikacijskim brojem : 4201572830012;

- Obavještenje Federalnog zavoda za statistiku Sarajevo o razvrstavanju pravnog lica prema klasifikaciji djelatnosti br.07-32.5-24380/16 od 05.10.2016 godine.

Sva dokumentacija se dostavlja kao ovjerena fotokopija.

Stojimo Vam na raspolaganju za dostavu bilo kakve druge dokumentacije ukoliko se pojavi potreba za istom.

S poštovanjem,

Direktor „Amina Trade“ d.o.o.
Albina Karištorac



Broj, 4/217
Sarajevo 23.01.2017. godine

Predmet: Prijenos ugovora o koncesiji
Veza: Vaš akt broj 07-04-18-31710 od 16.01.2017. godine

24-01-2017
NAMIJENO:
Koncesionara: 07-04-18-31710/KS
Broj priloga: 18

KANTON SARAJEVO
MINISTRARSTVO PRIVREDE
SARAJEVO

Poštovani!

Vašim aktom broj 07-04-18-31710 od 16.01.2017. godine ste nas obavjestili da je privredno društvo „Amina trade“ d.o.o. Sarajevo zainteresirano za preuzimanje koncesije na pravo eksploatacije mineralne sirovine krečnjaka i krečnjačkih dolamita u ležištu „Puhovik“, općina Ilidža. Obzirom da je NEXE d.o.o. Sarajevo svojim aktom broj 133/2016 od 31.10.2016. godine otkazalo ugovor o koncesiji o pravu na eksploataciju mineralne sirovine krečnjaka i krečnjačkih dolamita u ležištu „Puhovik“, općina Ilidža zaključenog dana 27.08.2016. godine između Vlade Kantona Sarajevo kao Koncesora i NEXE d.o.o. Sarajevo kao Koncesionara, obavještavamo vas da NEXE d.o.o. Sarajevo stoji na raspolaganju u cilju poduzimanja svih potrebnih radnji kako bi se prijenos pravovremeno izvršio na zainteresirano privredno društvo.

Nadamo se da ste nas razumjeli.

S poštovanjem!



DIREKTOR

Wijak Mustara

Broj, 35/2017
Sarajevo 22.03.2017. godine

KANTON SARAJEVO
Vlada Kantona Sarajevo
Reisa Džemaludina Čauševića broj 1
Sarajevo

IZJAVA

Privredno društvo NEXE d.o.o. Sarajevo, sa sjedištem u Sarajevu, ulica Alipašina broj 22 A, koje zastupa direktor Tinjak Mustafa, kao zakonski zastupnik, ovim putem izjavljuje da privrednom društvu „Amina-Trade“ d.o.o. Sarajevo ustupa sva prava i obaveze iz Ugovora o koncesiji za eksploataciju mineralne sirovine krečnjaka i krečnjačkih dolomita u ležištu „Puhovik“, Općina Ilidža, broj: 02-05-23581/15 od 27.08.2015. godine, te smo saglasni da privredno društvo „Amina-Trade“ d.o.o. Sarajevo izmiri sve nastale, a neizmirene obaveze po osnovu koncesione naknade iz ovog ugovora do dana prenosa istog.



DIREKTOR

Tinjak Mustafa



“AMINA TRADE” d.o.o.
PDV broj:201572830004
ID broj:4201572830004
Rakovička cesta bb
71210 Ilidža, Sarajevo
Tel.033/404-086

Broj: 98-3/17
Srajevo, 21.03.2017.godine


KANTON SARAJEVO
Vlada Kantona Sarajevo
Reisa Džemaludina Čauševića 1
SARAJEVO

IZJAVA

Privredno društvo „AMINA TRADE“ d.o.o. Sarajevo, sa sjedištem u Sarajevu, ul. Rakovička cesta b.b., koje zastupa direktor Albina Kriještorac, kao zakonski zastupnik, ovim putem izjavljuje da prihvata sva prava i obaveze koncesionara „NEXE“ d.o.o. Sarajevo iz Ugovora o koncesiji za eksploataciju mineralne sirovine krečnjaka i krečnjačkih dolomita u ležištu „Puhovik“, Općina Ilidža, broj: 02-05-23581/15 od 27.08.2015. godine, kao i da prihvata da izmiri sve nastale, a neizmirene obaveze po osnovu koncesione naknade iz ovog Ugovora do dana prenosa istog.

DIREKTOR

Kriještorac Albina



“NEXE” d.o.o. Sarajevo, sa sjedištem u Sarajevu, ul. Alipašina br. 22A, koje zastupa
direktor Tinjak Mustafa

i

“AMINA-TRADE” d.o.o. Sarajevo, sa sjedištem u Sarajevu, ul. Rakovička cesta bb. Ilidža,
koje zastupa direktor Kriještorac Albina

dana _____ 2017. godine, zaključili su

U G O V O R

**o regulisanju prenosa prava i obaveza iz Ugovora o koncesiji, broj: 02-05-23581/15 od
27.08.2015. godine**

Član 1.

Ovim Ugovorom reguliše se prenos prava i obaveza iz Ugovora o koncesiji, broj: 02-05-23581/15 od 27.08.2015. godine, za eksploataciju mineralne sirovine kračnjaka i krečnjačkih dolomita u ležištu “Puhovik” Općina Ilidža (u daljem tekstu: Ugovor).

Član 2.

Ugovorne strane su saglasne da privredno društvo “AMINA-TRADE d.o.o. Sarajevo preuzima sve obaveze privrednog društava “NEXE” d.o.o. po osnovu osnovnog duga prema Kantonu Sarajevo – Koncesoru, koje zajedno sa pripadajućim kamatama iznose **240.121,69 KM**.

Član 3.

Obaveze iz člana 2. čine dug po osnovu jednokratne koncesione naknade u iznosu od 168.960,00 KM sa pripadajućim kamatama u iznosu od 32.329,22 KM, i obaveze po osnovu tekuće koncesione naknade u iznosu od 36.887,67 KM sa pripadajućom kamatom u iznosu od 1.944,79 KM, što na dan 30.04.2017 godine iznosi 240.121,69 KM.

Član 4.

Obaveze iz člana 2. ovog Ugovora, privredno društvo “AMINA-TRADE” d.o.o. Sarajevo će izvršiti u roku od 15 dana od dana davanja saglasnosti na prenošenje prava i obaveza iz predmetnog Ugovora od strane Skupštine Kantona Sarajevo, a prije potpisivanja Ugovora o koncesiji.

Član 5.

Nakon izmirenja obaveza iz člana 2. Ugovora, Pravobranilaštvo Kantona Sarajevo će povući pokrenute sudske postupke kod nadležnog suda.

Član 6.

Obavezuje se “NEXE” d.o.o. Sarajevo da preda sve isprave i dokumentaciju u kojima su sadržana prava na koncesiju, kao i sredstva i opremu koji pripadaju Koncesoru.

Član 7.

Obavezuje se “NEXE” d.o.o. Sarajevo da preda u posjed i faktički lokaciju eksploatacije mineralne sirovine krečnjaka i krečnjačkih dolomita u ležištu “Puhovik”, sa objektima i opremom koji nisu njegovo vlasništvo.

Primopredaja će se notificirati zapisnikom koji potpisuju predstavnici ugovornih strana.

Član 8.

Obavezuje se “AMINA-TRADE” d.o.o. Sarajevo da dostavi prihvatljivu bezuslovnu bankovnu garanciju za dobro izvršenje ugovora u iznosu od 125.000,00 KM, najkasnije do 30.05.2017. godine i koja važi do 2027. godine.

Član 9.

Ugovorne strane su saglasne da u roku od 30 dana od dana potpisivanja ovog Ugovora, kao sredstvo za dobro izvršenje obaveza po osnovu plaćanja koncesione naknade i ostalih obaveza iz Ugovora o koncesiji, "AMINA-TRADE" d.o.o. Sarajevo, dostavi Koncesoru dvije bjanko vlastito ovjerene mjenice i odgovarajuća mjenična ovlaštenja za period od dana dostavljanja bankovne garancije.

Član 10.

Sve eventualne nesporazume o odnosnim pitanjima iz predmetnog Ugovora rješavat će se najprije sporazumno.

Član 11.

Ukoliko se nastali spor ne može riješiti mirnim putem, nezadovoljna strana može pokrenuti sudski spor pred nadležnim sudom u Sarajevu.

Član 12.

Ovaj Ugovor stupa na snagu i proizvodi pravno dejstvo prema ugovornim stranama kada ga potpišu ovlašteni predstavnici obje ugovorne strane.

Član 13.

Ovaj Ugovor je sačinjen u 6 (šest) istovjetnih primjeraka, od kojih svaka ugovorna strana zadržava po (2) dva primjerka, a (2) primjerka zadržava Kanton Sarajevo, kao Koncesor.

Član 14.

U znak razumijevanja i prihvatanja ovog Ugovora i svih njegovih odredbi ovlašteni predstavnici ugovornih strana isti su potpisali i stavili pečate.

"NEXE" d.o.o. Sarajevo
DIREKTOR

Mustafa Mirjak


"AMINA-TRADE" d.o.o. Sarajevo
DIREKTOR

Albina Kriještorac


Broj: 45 / 117
Sarajevo, 28.07.2017

Broj: 483 / 117
Sarajevo, 28.04.17



2997

Broj: M-8-II/2017

Sarajevo, 26.04.2017. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede

Veza Vaš broj: 07-04-18-5250-2/17

27-04-2017
07 04 18 5250-2
17

PREDMET: Mišljenje, dostavlja se

Poštovani,

Vašim dopisom naprijed navedeni broj, obratili ste se ovom Pravobranilaštvu sa zahtjevom za davanje pravnog mišljenja na Nacrt Ugovora o prenosu prava i obaveza iz Ugovora o koncesiji broj: 02-05-23581/15 od 27.08.2015. godine za eksploataciju mineralne sirovine krečnjaka i krečnjačkih dolomita u ležištu "Puhovik" Općina Ilidža sa privrednog društva "Nexe" d.o.o. Sarajevo na privredno društvo "AMINA TRADE" d.o.o. Sarajevo.

Uvidom u dostavljenu dokumentaciju i sam tekst Nacrta Ugovora o prenosu prava i obaveza iz Ugovora o koncesiji broj: 02-05-23581/15 od 27.08.2015. godine, nemamo dodatnih primjedbi niti sugestija te se ovo mišljenje ima smatrati pozitivnim.

Za sve dodatne informacije stojimo Vam na raspolaganju.

S poštovanjem,

PRAVOBRANILAC KANTONA SARAJEVO
Kemal Karić




- 23) način rješavanja sporova, uključujući i međunarodnu arbitražu, ako se ugovorne strane o tome dogovore,
- 24) ugovorenu nadležnost suda i
- 25) ostale elemente bitne za predmet koncesije.
- (2) Ugovorom o koncesiji određuje se prava i obaveze davaoca koncesije i koncesionara u skladu s odredbama ovog Zakona, te posebnih propisa kojima se uređuje određena koncesija.
- (3) Na pitanja iz ugovora o koncesiji koja nisu uređena ovim Zakonom primjenjuju se odredbe propisa kojima se uređuju obligacioni odnosi.
- (4) U slučaju koncesije koja je sastavni dio projekta javno-privatnog partnerstva odgovarajuće se primjenjuje i propis kojim se uređuje sadržaj ugovora o javno-privatnom partnerstvu.
- (4) Visina naknade za koncesiju određuje se zavisno o vrsti djelatnosti, roku trajanja koncesije, poslovnom riziku i očekivanoj dobiti, opremljenosti i površini općeg odnosno javnog dobra.
- (5) Ugovorom o koncesiji obavezno se određuje promjena visine naknade za koncesiju u određenom vremenskom razdoblju za vrijeme trajanja ugovora o koncesiji, što se naznačava u dokumentaciji za nadmetanje.
- (6) Naknade za koncesije su prihod kantonalnog budžeta i budžeta jedinice lokalne samouprave, koji se raspoređuju u iznosu od 60% u budžet Kantona, a iznos od 40% u budžet općine na čijoj teritoriji se nalazi predmet koncesije.
- (7) Za vrijeme trajanja ugovora o koncesiji koncesor ne može propisivati niti ugovarati s koncesionarom bilo koji oblik kompenzacije u zamjenu za plaćanje naknade za koncesiju.

Član 22.

(Rok na koji se daje koncesija)

- (1) Ugovor o koncesiji zaključuje se na određeno vrijeme s tim da to razdoblje ne može biti kraće od pet niti duže od trideset godina. Ugovor o koncesiji može se obnoviti za period koji ne može biti duži od polovine prvobitno ugovorenog roka pod uslovima potpunog ispunjenja koncesionog ugovora i na osnovu studije opravdanosti dodjele koncesije.
- (2) Trajanje koncesije će se odrediti na način koji ne ograničava tržišno nadmetanje više nego što je to nužno kako bi se osigurala amortizacija ulaganja koncesionara i razuman povrat uloženoj kapitala, istovremeno uzimajući u obzir rizik koji je povezan s privrednim korištenjem koncesije.

Član 23.

(Prenos koncesionog ugovora)

- (1) Ugovor o koncesiji ne može se prenijeti na drugog koncesionara bez prethodne saglasnosti Skupštine Kantona Sarajevo. Ugovor o koncesiji se može prenijeti samo ukoliko su ispunjeni uslovi iz ugovora koji se odnose na investiranje.
- (2) U slučaju da koncesionar nije ispunio preuzetu obavezu prema međunarodnoj finansijskoj instituciji čiji je član Bosna i Hercegovina, ugovor o koncesiji ne može se prenijeti na odnosnu instituciju bez saglasnosti koncesora.
- (3) Prilikom razmatranja zahtjeva za dobijanje saglasnosti iz stava (1) ovog člana, koncesor uzima u obzir:
- finansijsko stanje predloženog novog koncesionara;
 - stručnost i sposobnost predloženog novog koncesionara da pruža usluge i izvršava svoje obaveze iz ugovora o koncesiji i
 - uticaj koji će data koncesija imati na koncentraciju vlasništva u određenom sektoru djelatnosti.
- (4) Novi koncesionar preuzima prava i obaveze prethodnog koncesionara.

Član 24.

(Naknada za koncesiju)

- (1) Naknada za koncesiju je obavezan i sastavni element ugovora o koncesiji, a ugovor bez utvrđene obaveze plaćanja koncesione naknade je ništav.
- (2) Naknada za koncesiju mora biti novčanog karaktera, a sastoji se: iz naknade za pravo koje se obračunava jednokratno, kod zaključivanja ugovora o koncesiji i koncesione naknade za korištenje, koje se izražava u procentima i odnosi se na godišnji bruto prihod nastao korištenjem javnih dobara, prirodnih bogatstava ili pružanja usluga ili po jedinici mjere - tona, m³, m² i
- (3) Naknada za koncesiju može biti ugovorena kao stalan jednak iznos i/ili kao varijabilni iznos, zavisno o posebnostima pojedine vrste koncesije.

Član 25.

(Prestanak ugovora)

Ugovor o koncesiji prestaje:

- istekom ugovorenog roka u skladu sa ovim zakonom,
- otvaranjem stečajnog postupka nad koncesionarom,
- prestankom postojanja predmeta koncesije,
- raskidom ugovora o koncesiji i
- ako koncesionar ne ispunjava ciljeve i efekte date koncesije.

Član 26.

(Raskid ugovora)

- (1) Ugovor o koncesiji može se raskinuti:
- ako je koncesionar nesolventan duže od šest mjeseci,
 - ako koncesionar ili koncesor ne ispunjavaju ugovorene obaveze i
 - ako obavlja djelatnost na način suprotan odredbama koncesionog ugovora.

Član 27.

(Nemogućnost ispunjavanja ugovora za koju ne odgovara nijedna strana - Prekid ugovora)

- (1) Kad je ispunjenje obaveze jedne strane postalo nemoguće zbog događaja za koje nije odgovorna ni jedna strana, a nijedna ugovorna strana ne želi raskid ugovora, koncesioni odnos se nastavlja kad prestanu okolnosti koje su dovele do nemogućnosti obavljanja djelatnosti, odnosno neispunjavanja ugovornih obaveza. Te okolnosti su:
- ako se vršenjem koncesione djelatnosti ugrožava životna sredina i zdravlje ili zakonom zaštićena područja i objekti, što se u vremenu davanja koncesije nije moglo predvidjeti,
 - u slučaju nemogućnosti obavljanja djelatnosti zbog znatnijeg oštećenja objekta koncesije koje nije skrivio ili koje nije posljedica grube nepažnje koncesionara i
 - u drugim slučajevima predviđenim ugovorom o koncesiji.
- (2) Za vrijeme proteklo u nemogućnosti ispunjenja ugovora produžava se rok na koji je potpisan koncesioni ugovor.

Član 28.

(Registar koncesija)

- (1) Registar koncesija jedinstvena je elektronska evidencija koncesija dodijeljenih na području Kantona koji se formira na osnovu registara koncesija resornih ministarstava.
- (2) Jedinstveni registar svih zaključenih ugovora o koncesiji vodi Ministarstvo finansija Kantona Sarajevo.
- (3) Registrom koncesija garantuje se dostupnost javnosti podataka. Javnim podacima smatraju se: naziv davaoca koncesije, matični broj davaoca koncesije, datum početka ostvarivanja koncesije, naziv (vrsta) koncesije i lokacija koncesije.
- (4) U registar koncesija evidentiraju se ugovori i o ranije zaključenim koncesijama kojima do dana stupanja na snagu ovog zakona nije istekao rok trajanja koncesije, te svi

Sarajevo, na sjednici održanoj dana 04.04.2013. godine, donijela je

**ZAKON
O IZMJENAMA ZAKONA O KONCESIJAMA**

Član 1.

U Zakonu o koncesijama ("Službene novine Kantona Sarajevo", broj 27/11) u članu 6. stav (1) brišu se tač. 1), 9) i 20).

Član 2.

U članu 24. stav (6) mijenja se i glasi:

"(6) Naknade za koncesije su prihod kantonalnog budžeta i budžeta jedinica lokalne samouprave, koje se raspoređuju u iznosu od 40% u budžet Kantona, a iznos od 60% u budžet općine na čijoj teritoriji se nalazi predmet koncesije".

Član 3.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7993/13
04. aprila 2013. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) a u skladu sa članom 28. stav (4) Zakona o poljoprivredi ("Službene novine Federacije BiH", br. 88/07 i 4/10), Skupština Kantona Sarajevo, na sjednici održanoj dana 04.04.2013. godine, donijela je

**ZAKON
O IZMJENAMA ZAKONA O NOVČANIM
PODSTICAJIMA U POLJOPRIVREDI NA PODRUČJU
KANTONA SARAJEVO**

Član 1.

U Zakonu o novčanim podsticajima u poljoprivredi na području Kantona Sarajevo ("Službene novine Kantona Sarajevo", broj 1/12) član 10. mijenja se i glasi:

"Član 10.

(Animalna proizvodnja)

U okviru animalne proizvodnje podstiče se:

- a) farma mliječnih krava koja je u sistemu otkupa mlijeka (provođenje veterinarsko-zdravstvenih, zootehničkih i zoohigijenskih mjera);
- b) farma mliječnih krava koja nije u sistemu otkupa mlijeka (provođenje veterinarsko-zdravstvenih, zootehničkih i zoohigijenskih mjera);
- c) vlastiti uzgoj teladi namijenjen daljem tovu (provođenje veterinarsko-zdravstvenih, zootehničkih i zoohigijenskih mjera);
- d) vlastiti uzgoj priplodnih junica za remont ili proširenje osnovnog stada mliječnih krava (provođenje veterinarsko-zdravstvenih, zootehničkih i zoohigijenskih mjera);
- e) farma za tov junadi (nabavka podmlatka, provođenje veterinarsko-zdravstvenih, zootehničkih i zoohigijenskih mjera);
- f) farma ovaca (provođenje veterinarsko-zdravstvenih, zootehničkih i zoohigijenskih mjera);
- g) farma koza samo u stajskom uzgoju ili pod nadzorom u ograđenim prostorima (provođenje veterinarsko-zdravstvenih, zootehničkih i zoohigijenskih mjera);
- h) farma za tov svinja (nabavka podmlatka, provođenje veterinarsko-zdravstvenih, zootehničkih i zoohigijenskih mjera);
- i) farma za tov piladi (nabavka jednodnevnih pilića, provođenje veterinarsko-zdravstvenih, zootehničkih i zoohigijenskih mjera);
- j) inkubacijska proizvodnja jednodnevnih pilića;

- k) farma koka nosilja (nabavka jednodnevnih ili osamnaestodnevnih pilenki, provođenje veterinarsko-zdravstvenih, zootehničkih i zoohigijenskih mjera);
- l) pčelinjak (provođenje veterinarsko-zdravstvenih mjera);
- m) organizovani otkup svježeg mlijeka;
- n) proizvodnja sirove vune."

Član 2.

Član 14. mijenja se i glasi:

"Član 14.

(Model kapitalnih ulaganja)

- (1) U okviru modela kapitalnih ulaganja podstiče se:
 - a) izgradnja objekata započeta u tekućoj godini sa završenim grubim građevinskim radovima preko 50% i to:
 - 1) štalskih kapaciteta za uzgoj goveda, ovaca, koza i svinja za upotrebnu površinu objekta u osnovici (tlocrtu) objekta;
 - 2) štalskih kapaciteta za uzgoj peradi za upotrebnu površinu objekta;
 - 3) za skladištenje, hlađenje ili sušenje primarnih poljoprivrednih proizvoda, koji su proizvedeni u okviru vlastitog poljoprivrednog gazdinstva za upotrebnu površinu objekta;
 - 4) ribnjaka za upotrebnu površinu mrijestilišnih i uzgojnih bazena.
 - b) rekonstrukcija štalskih objekata za uzgoj goveda, ovaca, koza i peradi započeta u tekućoj godini sa završenim grubim radovima za upotrebnu površinu objekta u osnovici (tlocrtu) objekta, a u cilju uskladjivanja s Pravilnikom o mjerama za unapređenje stočarske proizvodnje na području Kantona Sarajevo ("Službene novine Kantona Sarajevo", broj 19/10) (u daljem tekstu: Pravilnik o mjerama unapređenja stočarske proizvodnje).
- (2) U okviru modela kapitalnih ulaganja podstiče se kupovina u tekućoj godini:
 - a) poljoprivrednog zemljišta isključivo za poljoprivrednu proizvodnju, a u cilju povećanja poljoprivredne proizvodnje;
 - b) novog staklenika ili plastenika;
 - c) nove poljoprivredne mehanizacije i priključnih sredstava;
 - d) nove opreme u biljnoj i animalnoj proizvodnji;
 - e) priplodnih junica za formiranje ili proširenje osnovnog stada mliječnih krava."

Član 3.

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7994/13
04. aprila 2013. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 13. stav 1. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 8. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09), Skupština Kantona Sarajevo, na sjednici održanoj dana 04.04.2013. godine, donijela je

**ZAKON
O IZMJENAMA I DOPUNAMA ZAKONA O
SOCIJALNOJ ZAŠTITI, ZAŠTITI CIVILNIH ŽRTAVA
RATA I ZAŠTITI PORODICE SA DJECOM**

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10 i 26/12) u članu 1. iza alineje 5. dodaje se nova alineja 6. koja glasi: